

迦陵詞全集

迦陵詞全集卷十二

宜興陳維崧其年著

華亭董 俞樗亭

弟 維岳緯雲

叅閱

遂安方象瑛涓仁

宗 石子萬

選

如臯許嗣階山濤

男 履端

校

武進弟玉璣椒峯

姪 賜薛

滿江紅

汴京懷古十首

壞堞崩沙人說道古夷門也我到日一番憑弔淚同鉞瀉  
流水空祠牛弄笛斜陽廢館風吹瓦買道旁濁酒耐先生  
班荆話 攝衣坐神閒暇北向到魂悲咤行年七十矣翁  
何求者四十斤椎真可用三千食客都堪罵使非公萬騎

歷那郟城幾下

夷門

通鑑詩全集卷十一

忠立堂

鉛篋無成不信道英雄竟死猶有客棄家破產東求力士  
太息已看秦帝矣悲歌只念韓亡耳道旁觀誰道祖龍耶  
妄男子 狙擊處悲風起大索罷浮雲逝歎事雖不就波  
騰海沸羸政關河空宿草劉郎宮寢成荒壘只千年還響

子房椎奸椎悻

博浪城

汜水敖倉是楚漢提戈邊界想昔日名姬駿馬英雄梗槩  
榮澤波痕寒疊雪成臯山色愁凝黛歎從來豎子易成名  
今安在 狙上肉何無賴鴻門斗真難耐筭野花斷鍊幾  
更年代秦鹿詎爲劉季死楚猴甘受周苛賣笑紛紛青史  
論都訛因成敗

廣武山

太息韶華想繁吹憑空千尺其中貯那郟歌舞燕齊技擊

宮女也行神峽雨詞人會賦名園雪美天家愛弟本輕華  
通賓客 梁獄具宮車出漢詔下高臺坼歎山川依舊綺  
羅非昔世事幾番飛鐵鳳人生轉眼悲銅狄着輕衫半醉  
落霜雕弓絃弄 吹臺

野渡盤渦中牟界濤翻浪走勒馬看殘山剩水一番回首  
斜日亂碑森怪蜎危岡怒石蹲奇獸笑中原從古戰場多  
陰風吼 炎劉鼎嗟淪覆袁曹輩工爭鬪看金戈塞馬喧  
虬馳驟浪打前朝黃葉盡霜封斷壁青苔厚又幾行雁影  
落沙洲多於豆 官渡

宋室宣和看艮嶽堆瓊砌璫也費過幾番錘鑿兩朝丹堊  
花石綱催朱太尉寶津樓俯京東路晉銅駝洛下笑人忙  
會廻顧 花千朵雕闌護峯萬狀長廊互使神搬鬼運無

朝無暮一自燕山亭去早故宮有夢何由作歎此間風物

劇催人成南渡

良嶽

曲水金塘流不盡汴京遺事記當日昆明水戰都亭百戲  
相國寺前燈似晝南薰門外天如水恰政和天子趙官家  
多才藝 火仗轉星毬墜水幄捲雲房蔽正扇分雉羽橋  
排雁齒此夜只憐明月好當時那曉金人至記居民拂曉

撥菰蒲尋珠翠

金明池

北宋樊樓縹緲見彤窗繡柱有多少州橋夜市汴河遊女  
一統京華饒節物兩班文武排簫鼓又墮釵鬪起落花風  
飄紅雨 西務裡猩屨黃南瓦內鸞笙語數新粧炫服師  
師舉舉風月不須愁變換江山到處堪歌舞恰西湖甲第  
又連天中王府

樊樓

古玉津園斜陽照滿波蘆荻渾不見銅街鐵市層樓列戟  
陰慘慘兮門自鎖冷冷清清地船誰摘綠垣邊覓個不愁人  
如何得 白玉杳黃金橋園芳樂樓青漆任婁風苦雨籠  
窗動壁春去烏啼樊重里月明花落王根宅壞廊斜石駝  
趨行人行人嚇

玉津園

泫水分藩憶帝子金牀玉冊人都羨憲王才調孝王偉匹  
椒殿丁年喧鼓吹桂宮甲帳繙圖籍唱誠齋樂府夜深時  
箏瑟急 蔡河漲蘭橈織鴈池汎龍舟疾記牡丹時節排  
當宿直一夜黃河瓠子尖滿城紅袖梨花濕痛波飄菰米  
入宮墻沉雲黑

寫近况酬寄曹顧庵學士卽用學士來韵

黃雀銀魚美秋後攔街塞術屬屢耳神仙難學底須煉术

萬事絆人園客。蘭百年歲。我狙公栗倚秋城。下瞰暮濤紅。  
煎斜日。風乍滿。喧杉漆。霜漸老。催機匹。看雁排人字。瓊  
瓏幾筆。詩怕殺。青刊復毀。鬢憎鐮白。菱逾密。只酒悲苦。愴  
婦姑城呼鷹出。

月之初六。余將有廣陵之行。前一夕行囊襪被俱  
被偷兒負去。戲作二詞示里中諸子。仍用前韻。  
酒盡天寒。彈短缺。半生無術。擬還向廣陵賣藥。荷苓挑水。  
秋雨好。攜叩竹杖。荒原莫管。周人栗束。殘書准趁。半江晴  
期來印。 鵬蝠暗空如漆。絡緯叫難成。匹正籬。插書帶。庭  
欵木筆。計畫總嗟吾輩拙。安排儘讓天公密。笑青甕。一夜  
羽毛生。飛而出。

盜語主人。驪駒唱。留行無術。堪歎息。井叢爛燿。日荒松木。

冥泥關高驥斃薦王官谷險猿偷栗筭一年作客縱歸來  
無多印何不販山中漆何不織機頭匹只年年渡刺幾  
時投筆祛篋愁看君箭儉絨縑喜遜隣家密請先生晨起  
檢空箱如何出

贈史遠公五十卽用學士原韻

壽苑詞場數儕輩君才橫出論戈法韭花蔓尾盡推適密  
九殿爭傳鸚鵡賦戊戌會試遠公已捷第一人重瞳親獎龍蛇筆遠公署書

爲天語所獎更岐王含笑看揮完綾千匹熬不熟仙家漆粘

不住天邊日歎籬還采菊里仍呼栗醉斫月中一片桂開  
收雨後三峯木儘清狂舍此問成仙無他術

賀曹掌公秋捷仍用前韻

老盡詩人吳與越惟君傑出人都羨家風華貴文瀾綺密



三世金蓮學士燭一門銀管湘東筆看來春駿馬蹴長楸

千千四 僕老矣身空漆鼎徒者懷吞日記酒行以御玉

溢而粟記與掌公吳趨高會時學圃條豐君掇杏硯田殖落余鋤木

擬蕨竿變技學曹公穿楊術

贈大西洋人魯君仍用前韻

怪怪奇奇咄咄甚諳讀出出經過處逼逼羅瘴惡荷蘭烟密

鶴語定知何代事麟經不省何人筆駕崩濤九萬里而來

冠冕世 滂外海光如漆國外國天無日話僊僊龍伯魂

搯股栗善奕慣藏仙叟橋能醫却知神農木更誦完一卷

兕人經鷄術

贈吳白涵仍用前韻 白涵工詩善琴 吾邑中高士

蘇隱家門捉鼻免問君何術適志耳和烟種樹帶雲春木

杜老堂前隣撲棗陶公酒後兒呼栗更風潭夾宅月當門  
消閒日 詩酒外誰膠漆猿鶴侶吾儔匹任客誇裘馬人  
矜才筆書到成時松竟老徑當僻處蘿偏密叩苔扉半响  
不逢人琴聲出

憶舊游寄金沙王弓銘張杜若徐岐雖史兼三諸

子仍用學士來韻

曾記中原與數子揮鞭競出同憑弔園空石尉城荒李密  
洛下金墉城 夜臥成樓風咽鼓晨題敗驛霜膠筆更月中  
李密城也

帶雪上鞞鞍奇無匹 戰場內碑填漆叢祠外燈搖日憶  
並鞍舞蔗分籌賭粟往事鏃來如削草新愁製就同煎木  
筭倚他白日繫長繩嗟無術

丹陽賀天山寄詞二闕屬和其韻

枯樹衰楊三歎息物猶如此白眼看塵埃野馬子虛匹是  
四壁豈無窮可送九天只有愁難寄放狂歌金鐵一時鳴  
吾衰矣 拜特進官承旨僮列鼎奴衣紫更屏間窈窕堦  
前阿唯若有人兮寧足慕彼何爲者殊堪恥曾幾回策馬  
樂游原荒煙耳

速壘精丘卿莫惜爐邊酒價能幾日秦關月小漢官花謝  
萬里秋從西極到千年淚向南樓灑婦人裝胡粉且搔頭  
無人者 風刮燭窗多鱗雨淋壁簾須下溷南隣北戶詩  
場歌社白晝遽遽身化蝶青天夢夢程生馬約練湖鴉翼  
十分紅余來也

日內將至  
丹陽故云

舟次丹陽感懷二首仍用天山韻

水面絃生郭索響誰能遣此問白傳浮陽江上可曾如是

天外雨隨帆共落洲邊雁與船同寄人奴之笞罵此生無  
應足矣 河蟹腹肥而青秋山暮紅兼紫但酒酣以後呼  
牛亦唯鑄鐵竟成千古錯讀書翻受群兒恥笑道旁石馬  
亦何爲風吹耳

且食矜劬管婢價何如奴價君不見棠梨一樹昨開今謝  
形狀何勞麟閣畫淚痕不上牛山灑願他年青史好爲之  
傳來者 月射隙霜尋鱗騎蓬背眠檣下笑長貧陳孺肉  
難分社張祐宅荒碑竄鼠呂蒙城濶帆如馬問半生何物  
誤人歟殘編也

過京口復用前韻

剩壘殘崖有多少英雄經此也則爲風吹浪打趨成如是  
北顧髻鬟晴欲笑南朝君相生同寄歎齊梁一片好江山

都非矣 茶沸乳簾泉 旨楓繡瘦醅 顏紫倘鶴猿 招我欣然日 唯憂縱憐眩 何所益 信偏伍 聆徒增 恥踞蓬艫吹火 騁雄談 滅三耳

瓜步船來亟爲問 淮南米價念欲索 陶胡奴米何如 詣謝肝膽儘從鄰 媪露毫毛 拚向沙塲灑 歎臣精 今日已銷亾 誰容者 栗半熬 經霜罅 豚對舞 浮波下 聽寺鐘 隱隱隔江運 社快意 且騎隋苑鶴 失時休 使瞿塘馬怪 一軍銀鎧海門來 潮頭也

渡江後車上作

磨鏡來耶怪 范叔一寒至此古 所謂甲喪借面將母同 是十載 江河淮泗客 一身南北東西寄 問車中閉置婦人乎 真窮矣 村醴薄寒加 肯斜日 淡風添紫有 與騁拉飲從

而唯唯謝彼金張吾已過厄於陳蔡誰之恥任兒童拍手  
笑勞人車生耳

亦復何傷終不掩文章光價曾抵突不知屈宋何論沈謝  
一曲楚聲愁筑破半生情淚如鉛癩儘腹中容得百千人  
如卿者 好覓個西村肆竟須在南山下結斬蛟射虎疎  
狂之社夢裡悲歡槐圓蟻世間得喪隣翁馬語前騶叱馭  
且從容余歸也

看牡丹感舊

芍藥啼烟倚晴晝枝枝欲顛恰又是送春天氣夾衣庭院  
香逕露濃圍綉幃軟簾風細低歌扇將去年情事倚闌干  
思量徧 花與月曾畱戀朝共夕閒游衍在睢陽古郡商  
丘舊縣記得濃香籠兩袖醉餘馬上携歸便下小樓紅袖

那人迎人微倦

壽武林徐世臣賢配邵孺人六十

曾在西冷徐碑下陳蕃之樹記當日湖山濃淡宿徒雜沓  
夜雨對眠靈隱寺春帆競掠雷峯塔幾何時雲水竟飄然  
携瓢袖室有姊機聲匝塾有子書聲答喜鴻妻操作龍  
駒蹙躡設悅九天喧管籥彌觴七郡傾壺榼正中秋月照  
浙江潮銀光合

余澹心吳蘭次周子佩顧梁汾秦對巖諸公共飲

集生家適余在山中未與此雅游也蘭次作詞

見示余亦次韻

醉情歌斜訝何處珠筵留客却誇我鱸魚棗落席門置食  
滿眼紅牆愁裡過干場錦瑟閒中憶只君家數過酒杯寬

真難得。也不羨鴟絃學。又何用鸞鏡摘。但茶香雙好。居然雅集。笑我凍酒梅一樹。輸他醉把螯。千隻問酒謀之婦。尚能乎。期來久。

將發梁溪酒後與吳菑次

臣醒而狂問何處再尋荆。聶但相見金樽休放玉簫須壓。舊事漫誇冠蓋里。新愁合付昆明劫。幸名園一月共聯床。歌聲接。老鳳叫才何捷。雛鳳語吟都愜。奈匆匆欲唱渭城三疊。歸去道場山下路也。應瘦了丹楓葉。只郵亭醉尉夜偏多。休輕獵。

菑次擊舟相訪與子訂布衣昆弟之歡而去賦此

紀事

雨覆雲翻論交道。令人冷齒。告家廟甲爲乙友。從今日始。



官笑一麾君竟罷病驚百日余剛起問乾坤弟畜灌夫誰  
惟卿耳 嗟墨突殊堪恥憐范釜還私喜且樵蘇不爨清  
談而已開口會能求相印吾生詎向溝中死終不然鬻春  
華山陰尋吾子

同雲臣和天玉元夜泊舟溪口感舊之作

峭冷尖寒也筭做一番元夕還記憶清歌妙舞梅魂雪魄  
向日微聞年少事狂夫曾到岐王宅把玉簫吹起落梅風  
成今昔 水驛底孤眠客月榭口寒波積正沉吟何限釵  
痕綦跡早信今宵鮫帕濕悔教那夜屏風隔載一船離恨  
壓西溪溪流碧

郝元公署中食餅忽有茂陵之憶賦詞誌感

落拓無家歎三匝曾栖汝頰記那日綠窗間與姬人說餅

漫粉宛同春絮薄映空絕似梳羅淨笑鸚哥偏愛啄香梳  
吳兒性 纔半載歸鄉井拚雨迥悲萍梗筭不因烽火幾  
成薄倖聞說袞師年尚幼嬰燄解向厨娘競只今宵入手  
怡輸他團圓影

秋日幾士兄姪人生子詞以志喜

人種追來喜阮曲又生遙集

兄生子姪人係得之姑母家

是月裡風飄

桂子夜來親拾且日驚看佳氣滿經年怪底吟聲澁

兄素訪詞

翰年來竟不作詩

果息機結得蚌胎成珠光濕

嫂已慶螽斯繼

孫漸解勝衣揖笑阿兄此事得母非急小弟今冬方五十  
飄零一綫河之北待來春擊取小獅兒還鄉邑

再疊前韻酬幾士兄

阿大中郎論家世人人有集吾老矣沅湘香草童蒙聊拾

破屋霜紅蘿薜暗空齋雨黑倉琅澁歎青衫原不爲琵琶  
年年濕誰耐把殘編緝久嬾向侯門揖筭曹劉沈謝非  
今所急一片月懸關塞上五更笛落關于北正匣中刀作  
老龍吟聲於邑

三用回韻與幾士兄言懷并示珍百雲臣竹逸諸  
同志

蹶盡霜蹄休再問龍城馬邑計央矣我寧作我北山之北  
焉用文之身既隱未常閒仕如斯急見長沮桀溺耦而耕  
趨而揖麻與苧連宵緝松共桂和雲濕任園官賈苦霜  
畦竟澁米斃長服春確糞子名蒼耳揮鋤拾問桂來牛角  
是何書淵明集

四用回韻爲幾士兄納姬人賀

桃葉桃根把雙漿親迎隣邑記住在香街直下畫橋斜北  
扶下銅輿鴉髻妥貯來綃檻鶯啼急暈桃痕注靨道勝常  
羞郎揖 繡架鞦韆鴛絨緝紅浪被鴛衾濕學夫人舉止漫  
嫌生澁春頰一床和月捧新嬌半榻從天拾怪新詞艷粉  
恰盈箱閒情集

懷龔仲震臥疾梁谿

貴菊除螯記共醉梁谿客夜風不定軟簾輕漾一燈高下  
白髮放顛長忍餓朱門怪酒偏遭罵曉鷄號猶欲挽銀河  
栢中瀉 書散誕蕭思話聲嗶啞甘與霸每厠身鎗杓袒  
而行炙老與耶當烏豕肉秋懷浩蕩鷹隼架怪新來痺疾  
偃霜簷酸風射

余有懷仲震詞南耕昔在南昌亦與仲震同作老

客送次余韻亦成一首斐然見示仍疊前韻用  
東南耕并令仲震他日讀之一軒渠也

五老匡廬挂冷瀑長晴不夜秋瑟瑟兩賢相見琵琶亭下  
閒盡江山真欲舞筭來人物誰堪罵倚滕王傑閣啟章門  
銀濤瀉 羈旅恨鄉關話拉糞勝呼曹霸儘雄心耗與冷  
杯殘多一朶菊花人伏枕半庭荳葉秋除架只幾年踪跡  
最難忘同游射

擁爐

記真雲曰南耕分賦冬詞有圍爐一題今者  
酒進省幕縱有紅爐獨擁而已何言圍也賦  
此以誌

子瓶

炙盡烏金銷不了鬢絲微雪依稀聽一城巷杵半樓簾鐵  
撥盡寒灰人語悄既完官燭鷄聲咽笑西廊鷓鴣也愁寒  
頰頰說 小窗底屏風折微酣處爐薰熱但得人圍繞心

情頓別記得常年喧笑語  
笛床茶臼叅差列只俟門獸炭  
枉堆盤增寒冽

風雪行丹陽道中

秃樹僵杉趁玉舞離披作勢經多少  
斷橋仄磴破樓枯寺  
毳笠裏風嗟威發笋與兀雪愁顛蹟  
謝郵亭湯社點紅薑  
招行騎 鑿不破琉璃水凍不了魚龍市  
笑吳兒長鬣有  
船難使凍雀迎人籬角噪村翁  
傲我墻根睡撒晶鹽迷却  
昌蒙城心如醉

玉峯沈天羽先生詞塲耆宿也選有草堂四集行  
世不幸早逝乏亂歲月不居距今已四十餘年  
矣賢配鈕夫人今年舉七十觴有從甥鈕君南  
六代爲乞言詞以寄慨

偶爾相關小樓上，書闌凭徧記當日東吳瘦。沈才名堪羨，  
艷句和愁淋舞帕香詞蘸酒塗歌扇。只金荃身後竟無人  
爲收管。縮不得垂楊線，禁不住飛花片。剩嬌閨寡鵲雨  
淒風怨，轉眼桑田朝市改。打頭茅屋裙笄健，遶雕梁誰替  
話呢喃鄰巢燕。

贈家小阮次山

余所賃城中居卽先殿元故宅也  
階前紅杏一株最繁盛次山殿元

後人  
故云

群從凋零恨家世空餘雙戟筭。惟汝過都歷塊龍文虎脊，  
我別西溪剛十載。數椽聊賃街東宅。有壓欄先世一枝紅  
君堪摘。林下酒床頭。易吾與汝交相惜。笑我今衰矣。子  
應努力王謝門。風終自在紛紛程李錢。寧直向渭陽詩裡  
說鄒陽悲疇昔。

次山係故友  
鄒程村宅相

訪葉九來園居不遇愛其花木明綺池館崢泓小  
懋移時流連不去因憶九來向與余邑某氏歌  
姬有目成之約曾爲作花信詩今某家歌舞久  
散此姬亦入道多年矣詞以示葉用稼軒韵

易識君家不須向長街夾

古樂府夾  
雜問君象

間相遇主人不在

滿園空綠蝴蝶輕狂金井畔櫻桃開落銀屏曲隴山鷄不  
省客來游春眠熟淪落恨飛紅浴繁華夢郵亭宿記筵  
開太守一羣香玉今日鍊師新入道當時才子曾貽墨雨  
濛濛燕子上空梁將泥耽

贈婁東凋逸園兼懷毛亦史

舞袖成圍正袞徧箏瑟阮笛有一客衆中索我講聲甚急  
坐上兩行紅粉笑亭邊一夜青衫濕歎雄文老將本幽燕



鏡相識 風裂燭喧底黑星絡角晶熒白倘明朝分手後  
期難的弟令男兒存意氣休論世事多離別博從中歸及  
見毛公言相憶

春光甚冶健庵挈我魚墩精舍小憇同潘次耕弟  
緯雲賦

半里春田漸踏到藤蕪叢裡疎籬外紅橋蒿板臥於烟水  
柳線飄時寒食近梨雲凍處東風起把滿欄紫艷喚移時  
忻然喜 穎士僕康成婢營小築饒名理精舍乃健老  
紀綱所撰有  
玉山彩翠光浮髻几闌草心情忙似蝶築毬士女多於蟻  
筭春來何限斷腸天無踰此

贈溧陽王叅戎王名嘉善徐姚人新  
建後裔有倚荆風

小隊城南來踏徧平陵春色迤邐望秣陵鐘阜鬱蒼何極

一片南朝簫鼓地千年北府侯王宅到如今草綠錦衣翁  
成今昔 帳下縛黃皮褶座上拓黃金戟論男兒須學萬  
人之敵家世故侯看射虎江山儒將聞吹笛笑軍中綬帶  
慣緜書當陽癖

同恭士叔岱牧仲飲介子西湄草堂次公融壁間

韻

水榭清幽宿雨罷奔渾齊漲憑眺處孤城剩壘礮痕無恙  
波靜細延簾閣底草香亂撲紗窗上碧陰陰一陣嫩涼來  
沙禽餉 逢六扇烟中漾簫一縷潭邊唱况主人還有吳  
羹法釀但醉且尋茶叟竈欲歸徑借溪翁杖想此時纖月  
挂西湄難於狀

秋日登車父城外春秋閣

單父城東堆徧了萬層秋色憑闌望齊疆魯甸一泓晴碧  
此去漸通霄漢路吾生只少翱翔翼綠樹斜百尺俯中原  
空蒼極 銅鼓賽松杉直陰雨吼精靈急看薜衣泥馬曉  
行無迹日落漫添羈旅恨時危專藉匡扶力讀春秋武帳  
燭花紅髯如戟

秋日經信陵君祠

席帽聊蕭偶經過信陵祠下正滿目荒臺敗葉東京客舍  
九月驚風將落帽半廊細雨時飄瓦柏初紅偏向壞墻邊  
離披打 今古事堪悲詫身世恨從牽惹倘君而尙在定  
憐余也我詎不如毛薛輩君寧甘與原嘗亞歎侯嬴老淚  
苦無多如鉛瀉

梁溪顧梁汾舍人過訪賦此以贈兼題其小像

二十年前曾見汝寶釵樓下春二月銅街十里杏衫籠馬  
行處偏遭嬌鳥喚看時誰讓珠簾挂只沈腰今也不宜秋  
驚堪把 且給箇金門假好長就旗亭價記爐烟扇影朝  
衣曾惹芍藥纔填妃子曲琵琶又聽商船話笑落花和淚  
一般多淋羅帕

故友周文夏侍御沒已及十年矣幼女在閣尙未  
字人少司馬山左孫作庭先生與懷宿草特爲  
令子議姻荆溪人士高其誼爭作詩歌以咏之  
鄙人太息亦填此詞

江左周瑜年少日雄姿歷落記十載霜飛獬豸風生臺閣  
宦蹟遽如春夢短人情劇似秋雲薄舊平泉早付綠苔生  
都非昨 問鮑子今難作憐弱女憑誰託賴同官偏念曩

時花萼高誼漫言齊偶大華堂定讓韓居樂翟公門一曲  
鼓求凰驚羅雀

萬脩承五十用呂居仁韻

北郭先生門恰對峯迴澗曲且小隱漁莊蟹舍長廊矮屋  
雨過拍茶香作雪日高煨芋酥於玉厨紅塵不到處逍遙  
襟衫綠 林澗澗烘楓菊濤瑟瑟鏘梧竹問貂蟬簑笠誰  
策誰辱豆架瓜棚三徑在黃鷄白酒千場足便水田今歲  
不曾收來年熟

秋杪同南耕魯望弟過東郊外殿元叔祖廢園感賦

醉袖籠鞭正杏苑一枝新奪歸臥處溪山窈窕亭臺層疊  
松籟梧烟繁客夢溪茶澗笋醒人渴羨昇平江左玉堂仙

風光別 繁華事行人說  
淒涼債今生結又瑤黃  
蘇綠斷碑殘  
碣細雨零星漁榜火  
亂鴉鴛鴦僧龕月記  
小樓一片  
伎衣紅年時節

琴奕雙清爲閻牛叟

牛叟允闕遺叢曰奕善奕花下與諸女劇必招予予笑謝

于琴不由師授以意成譜巧合自然

綠茵擣蒲憨狂煞他家兒女笑  
此是牧豬奴戲何心共賭  
懶凭繡床描鞦韆愛拈紅子  
爭龍虎恰偏逢郎手劣于儂  
降幡舉 奩乍歛墻陰午香半  
炮燈花吐逗琴心忽入海  
天寒處時世幾多箏笛耳  
賊眉也解英雄苦壽崩騰只把  
漢宮秋臨風鼓

壽海寧家始升六十

風景清佳天氣是梅前  
菊後弧懸處高軒列戟  
軟簾堆綉

龍笛鵝笙喧午夜，衙香官錦圍晴晝。笑吾宗今日又重逢。  
園南叟。搖鐵鳳。蟠金獸。相府畔沙堤右。筭家門華貴於  
公。何有坊曲漫勞誇。韋杜文章。要使羅星宿。看佳兒新醞  
桂香濃。爲春酌。

送葉桐初還東阿卽次其與曹雪樵倡和原韻

若且歌乎急。配以哀絛。豪竹念來夜。故人一去月。明人獨  
風吼。軍都山忽紫。雨收督亢天。金絲笑好官。幾箇讀書來  
休耽讀。吟復寫。躑躅幅富與。貴蛇添足。但逢花便插。有  
泉須掬。建業雲山通地肺。姑蘇烟水連天目。筭穀城雖好  
不如歸。眠鄉曲。

壽寶坻杜相國

恒岳生申恰黍谷。陽回時候沙堤上。弧懸相府光騰寶甃。

萬國河山平似掌，九天花鳥紛如繡。正黃扉暫闔袞衣開，  
煨清晝。房與杜齊，台斗李與杜豪。詩酒筭文章，勳業公  
俱不朽。八餅茶分，龍鳳碾萬釘帶，壓蛟螭鈕。看無邊紅燭，  
下朝來爲公壽。

聞往歲帝城烟火之盛，甲于天下。今年元夜作客  
都門，適逢新禁，凄然獨坐，詞以遣懷。

夜火春宵說此地，上元尤勝。烟焰裡，烘桃炙柳，飄梅炮，亦  
繡羽花冠筒內，放細苞翠蔓，竿梢映紫葡萄。十丈滿池蓮，  
絲絲凝。瑪瑙寺，鞦韆競，琉璃殿，箏瑟盛。更銜車磨拍，嬉  
遊不定。今夜鳳城偏寂寂，一燈微耿。人初病，只角殘吹到，  
第三聲，何心聽。



迦陵詞全集卷十一終

迎陵詞全集卷十三

宜興陳維崧其年著

崑山龔賢半千

錢塘汪霏東川

莆田林麟昌玉巖

安平吳璠負若

梅子黃時雨

本意

天水空濛只將腹織愁催雨添恙乍過了東風楊花一桁  
彈指還驚仲夏蕭蕭簷瓦跳珠響葡萄漲鳩婦喚晴鳧母  
眠浪惆悵他鄉誰傍篝爐薰藥裏聊自屏當料故國樓  
頭茶烟新颺豆綠缸中梅水滿何時小聚龍團餉苔衣長

第

維岳緯雲

宗石子萬

男履端

姪賜薛

參閱

校

賦得苧衫難爽

雪梅香

和竹逸再遊石亭看落梅原韻同雲臣賦

梅將謝臨風招手喚重游恰瀾瀾照浪愁情頗比眠鷗低  
撲村庄紈扇巧亂飄溪閣粉茵稠綵綿弄雪送清芬與夢  
俱幽、再來增悵望滿逕瓊姿零落誰收拾取殘英注來  
花乳磁甌縱使暗香埋隴畔勝於飛絮舞街頭休回首幾  
枝含淚正倚山樓

掃花游

早秋同雲臣詣竹枝庵訪寒松上人時上人將往  
龍眠用片玉詞韻留贈兼志別懷

問秋何在在郭外陂塘碣邊林楚野香幾縷向衫痕暗撲

帽絲亂舞暑退涼生一派嫩陰閣雨繞村去遙見支公  
笑迎處相別彈指許又竹翠沾厨荷風發路茗鑄笋  
恨來朝愁聽江船轉素任是空王也稔離情凄苦漫延好  
怕催歸花官塔鼓

紅情

咏半吐紅梅

一枝凝曉似絳葢浮釭錦鱗拍沼搓透猩絨賣弄慙喚許  
誰拘莫是羅浮人困珊枕上小鬟新覺正睡暈初圓偷倚  
綉奩照料峭年猶少更酒入潮生春來屢笑嬌香趁早  
休賺天桃見時惱幾顆朱櫻綻口甚日茜花壓帽倩紅淚  
將綃裏灑他開了

滿庭芳

紀夢

黃入東風綠來南內夢中春水鈴鐸管儂香粉髣髴也曾  
經還是鑼錢堂上當年事有影無形高樓外珠圓鶯脆隔  
院已聞聲 衷情渾欲訴新愁點點舊恨星星奈一塲春  
夢不甚分明此際銀燈耿耿羅衾濕紅淚如水難分手滿  
街細雨愁煞夢回程

談長益携具招游八公巖

水寺拖烟山樓嵌雨日長經院無人茶香竹翠也筭是前  
因歎窟山前精舍參差處欲斷還勻依稀似鳧雛鴈子零  
亂不成群 遶過思昔日戴顓故隱往蹟沉淪漸櫻桃熟  
後梅又生仁樵悴鬢縣禪榻十年事更與誰論空歸去數  
聲磬行過米顛墳

過遼后梳粧樓

細馬輕衫西風南苑偶然人過金溝道旁指點遼后舊粧  
樓想像迴心宮院鈿箏歇含淚梳頭青史上武靈皇后一  
樣檀風流   堪愁成往蹟繚垣敗甃滿目殘秋便脂田粉  
禮零落誰收莫問完顏耶律興亡恨總是荒丘紅墻外誰  
拋金彈年小富平侯

題顧梁汾舍人扈  駕詩後

萬乘旌旗千宮羽獵翠華絕塞重經珠鞭玉靶日黑虎風  
腥美爾金闈年少陪游幸鳳輦龍庭霜天曉柘黃袍出一  
騎按秋鷹   至尊親講武火城漸杳交綳猶扇更北平城  
外嶺斷雲橫飛鞚傳宣七枝黃羊酒前隊教停琵琶歌碧  
天瓊帳一曲海東青

過虎牢

汜水東來滎陽西去傷心斜日哀湍橫鞭顧盼又過虎牢  
關歎息提兵血戰西風響一片刀環英雄淚亂山楓葉不  
待曉霜丹 追攀當日事炎精末造遺恨靈桓又許昌遷  
駕不肯回鑿今古興亡轉換誰相問剩水殘山憑高望漢  
陵魏殿一樣土花斑

距汝州四十里山有溫泉相傳爲唐武后幸洛時

浴處

武媚東巡金輪春幸洛川自古神州風光溢目綵仗簇星  
毬聞道香山下湯泉沸玉灑瓊流傳駐蹕石榴裙濕激  
水奉宸游 六郎宣詔入蓮花一朶相映嬌柔趁晚涼閒  
話水殿雲幃千載朱顏難待傷心似太液池頭淒然也驪

山浴館一樣野花稠

咏臘梅和京少韻

仙淚流銅鈴脾醜蜜聖檀初傳新粧冰簷雪瓷帶曉亂斜  
陽自是羅浮別種依稀賸金粟餘香王孫彈枝頭萬顆偏  
惹壽簾長繞廊應錯認宛如梅子熟後輕展想宮人入  
道繩幘都黃一段冷魂幽緒扶疎態誰與擎將春來也紅  
紅白白讓爾冠羣芳

玉簪花

柔粉偏溫鏤脂却煥一枝顛影難休涼軒滑簾常傍晚粧  
樓幾度枕邊輕墜聽不出釵響悠悠尋覓取依然未盡扶  
切凡器破而未離者曰臺重上玉人頭開時剛淺夏曉來笑折人意  
先秋正睡餘夢遠翠幌空幽每被鬢絲籠住香風動綠蝶



先偷玲瓏極鄰姬誤認卸取節秦謳

暮秋梁溪南郊看菊紀游

兩坵池蓮霜彫巖桂愁餞臨去秋光城南漫興步屨趁林  
塘歎息人家兵後萼苔徧廢井頽墻溪橋畔柴門半掩籬  
落未全荒 烟庄經幾處嬌紅淡粉壓疊成行恨花繁境  
窄恣態難詳最後一園差勝軒櫺外亂石疎廊西風勁催  
將菊瘦餘力裊衰楊

丁巳元夕後三日謁別駕林天友於長洲官署賦

贈

森森長洲離離茂苑無邊草色連空兩番借治歡笑滿吳  
宮一自睽離絳帳相思切早理刈蓬平波遠誰吹五兩幾  
陣落燈風 忡忡憐別後鸞飄鳳泊竹嬾絲慵擬酒甯訴

與恍慨從公憶昨探梅摘蕙銅官下會傍游筇經年矣春  
來鄧尉香雪又濛濛

今春梅候余適買棹吳門乃因循羈絆不及爲鄧  
尉之遊正深悵恍及過里門而杖頭香雪已零  
落畧盡矣會放公以梅下見懷詞并雲臣和章  
相示漫次原韻

二月新晴東風作陣吳天梅訊類催伍塘飛棹恰過浪花  
堆聞說疎香冷粉剗坑畔萬樹齊開真辜負闌闌城下容  
易放船回沿洞歸罨畫閒虞綺韻觸緒增哀想一枝瘦  
玉曾綴經臺我是湖州杜牧成陰候側帽纔來明年事相  
期花下莫放淺深杯

咏西府海棠

滿院紅綃半樓絳雪幾叢艷冶成圍倚欄無力嫩柳鬪腰  
肢粉壁銀牆淡雅明粧坐人是瓊枝東風動花光映肉桃  
暈入冰肌 胭脂剛蘸雨一番梳裏別樣芳菲似六宮豔  
爰睡重楊妃贏得三郎一笑花前鬧急管繁絲豪華甚千  
堆蜀錦那用杜陵詩

五日玉峯競渡用梅村詞韻

萬歌芳筵葵榴綺節一兩涼透重湖綉旗畫鼓蘭槳割菰  
蒲多少唐陵漢寢千年恨遠近楸梧休憑弔玉山將倒翠  
袖可相扶 狂夫狂更劇花顛酒惱脫帽喧呼喚湘纍與  
汝美阻同沾收拾金簫玉管崑峯好晚髻新梳家鄉憶層  
層水榭紅縷漾銀符

贈表兄萬大士

舊臨  
滄合

少日情親兩家中表羊車競戲階前雕虫薄技里塾又墮  
肩屏指渭陽凋謝烏衣巷蔓草平田誰能料童時伴侶相  
對兩華顛 中年拋艾綬柴門卷書三徑蕭然憶相州鄂  
下官蹟流傳購得銅臺繡瓦歸吟寫夜雨朝烟殘生事酒  
鎗棋局此外總由天

咏宣德窰青花脂粉箱爲萊陽姜學在賦

龍德殿邊月華門內萬枝鳳熒熒煌六官半夜齊起試新  
粧詔賜口脂面藥花枝裊笑謝君王燒麤翠調鉛貯粉指  
畫兩鴛鴦 當初温室樹宮中事秘世上難詳但銅溝漲  
感流出宮墻今日天家故物門攤賣冷市閒坊摩娑怯內  
人紅袖慟話昭陽

蜀山謁東坡書院

水拍晴橋山街春店飛花落絮悠颺打魚放鴨四月好年  
光此地林巒絕勝家家足碧澗幽篁斜坡上碎瓶真甕  
亂補圍墻 鳴榔思往事峨嵋仙客曾駐吾鄉惹溪山千  
載姓氏猶香今日紫姑聖女喧村賽畫鼓明粧殘碑在獨  
憐野草漸沒古祠堂 山上俗有所謂娘娘廟是日香燭最  
盛居民奔走如鶩而書院滅沒荒烟  
淡霧間無有過而  
問者詞以志概

吾邑茶具俱出蜀山暮春泊舟山下漫賦此詞

白甌生涯紅泥作活亂烟細裊孤村春山脚下流水浴柴  
門紫笋碧鱸時候溪橋上市販爭喧推蓬望高吟杜句旭  
日散鷄豚 田園淳樸處牽車鷺畚壘石支垣看鷓鴣撲  
滿磊磊丘樊而我偏憐茗器温而栗濕翠難捫掀髯笑盈  
崖綠雪茶事正堪論

汴梁客舍同馮蓼庵夜坐蓼庵出泉溪圃秀永愁

人詩稿示余凄然賦此

馮衍長愁陳思不樂相逢同客東京烏啼落葉惆悵可憐  
生無忌館今何處河聲怒攪着砧聲秋宵永幾撈粉月晒  
得綠窗晴 鶯鶯聞尙在詩人老去一倍含情且開箱驗  
取錦字縱橫料爾銀鈎未寫檀牋上珠淚先盈休腸斷青  
衫紅粉一樣是飄零

丙辰元夕

戰馬千群戍旗一片江東月又剛圓凝粧艷粉何異太平  
年樓上冰簾絳蠟參差弄鳳管鴟絃樓兒下金蛾玉蘭風  
景倍嫣然 碧天何限事一生能得幾度燈前况春城不  
禁拾翠尋鈿忍負衫紅釵紫生生博圖畫凌烟歸來晚關

珊夜火人立小門邊

林天友別駕招飲同雲臣賦贈

荔浦樓臺榕城甲第相門群羨賢甥詩篇宦蹟雙闌早梅  
清幾度桃花浪煖賢勞最轉餉神京纔歸也楚天在望又  
聽夜猿鳴 山城父老說孝侯一去蛟虎縱橫憶使君前  
事千載齊名昨夜張筵召我行春暇綠酒紅筵剛過雨新  
鶯語滑喚起月盈盈

花朝後一日林天友邀同雲臣爲南嶽之遊詞以

紀事

翠榜欹烟紅船委浪水簾低捲晴暉曉山欲笑迎我在春  
磯欵馬誰家園子游絲靜嬾上人衣憑欄望樓臺易正金  
粉未全非 霏微小雨過花籠寺閣瀑濃僧扉正使君愛

士野客忘機斜日仍搖書艇紗窗掩玉枕頻揮城頭翠半  
溪燈火爭認醉翁歸

清明前一日同雲臣溪干觀劇

近水人家弄晴天氣清明恰是來朝曉鶯無賴喚我驛邊  
橋多少歸寧溪女花枝颯香粉輕飄疎籬畔蘭芽杏蕊開  
到十分嬌垂髫剛十五新聲解唱淥水紅么憶少年同  
學半插華貂我向江村潦倒新年恨比舊還饒鞦韆社東  
風攪碎戲鼓賽神簫

毫村舊宅之東有屋一區名間遠堂堂頗弘敞乃  
先農部伯父別業也堂久已不存門內且賃爲  
酒肆矣賦此志感

宅列光延門齊通德君恩曾賜山莊勝衣膝下粉署半會



香白誓華貂插鬢東頭屋綠野名堂依稀記壽簷鳴吻燒  
作紫鴛鴦滄桑今已換葦花楓葉一片蒼茫剩敲門未  
拆酒旆新颺土銼誰人競唱邊州調白草黃塵繚垣外西  
風吹到憔悴舊家郎

壽王敬哉先生用棠村詞韻

菊尙拖黃梅將凝粉安排晴日開筵錦笙書鼓譜出鷓鴣  
天兩世尙書門第朝回後繡轂紛然華堂上昇平保傅矍  
鑠地行仙各園飛甍後銀燈火樹雪月光聯要粧成瑤  
圃映上紅箋海畔群真介壽驂鸞渡弱水三千馳封賜汪  
汪綠蟻猶裏鳳樓烟

壽大司農梁蒼巖先生

黃閣勲名黑頭卿相瑤池第一神仙蕉林書屋烟景勝平

泉珠島花洋萬里牙檣送南海歸船還朝後錦袍茜袖長  
倚紫宸前 華筵群獻昇平法鼎象管錫絃有尚書紅  
杏麗句親真歲歲鳳城今夜陽回處暖在春先細梅綻風  
光正好次第到鞦韆

山陰沈躬範婦陳夫人好讀書年二十三夭卒  
之日囑以平日所誦書籍殉冢中一時皆作詩  
以哀之余亦爲賦此闕

人偶言愁僕原多恨說來也替神傷越溪有女十五嫁王  
呂人在水晶簾底簪花格日做千行纜梳裏濕蟬未歛便  
自理鉛黃 梅粧容易謝皇墳汲冢雪魄同藏抱夜臺吟  
誦月冷楓香何必玉魚金盃遺編在還累蕭郎羅裙壞草  
生書帶不化紫鴛鴦

送顧尼備南歸爲太夫人壽

梅子生仁柳綿着木翠陰澹澹遮牆新裁綠袖愛趁日初  
長立馬都亭送客纜絲颯帆影低颺凝情處暮雲堆碧妬  
爾作輕裝霞觴歸捧候黛添艾葉紅入橘房有江鱸籬  
笄足膳高堂路矣毘陵木驛應相見陽羨山光憑君說倚  
闌游子脉脉只思鄉

吳門管烈婦夫亡殉節詞以紀事

鏡掩離鸞絃摧別鶴千秋彤史畱芬機中錦字長恨與誰  
論一自磨笄人杳成灰後蝶化羅裙人間事依然花月空  
爺總無春夫君憐彩筆土埋玉筋雨打黃昏痛梨花一  
樹同散朝雲鹿得巫簫社鼓胥江畔歲歲迎神憑誰畫啼  
斑滿竹別樣管夫人

送吳初明南還秣陵

颯杏寒鴉聊滿東。葉西風。壓雪將低蘆。溝南下立馬惜分  
携。此去鷄籠山館。江梅瘦恰與。簷齊都門事。墻頭過酒爛  
醉。嬌重提。當時臨發日。玉郎作畫。送別青筵看無多。幾  
筆不數迂倪。勿論風流二老。相開甚正。有鄉奚長。鬚到歡  
迎。隔浦仍是杜家。稽初明北發時王安節圖畫相送畫上  
作雨人臨風揮手一童子荷擔將行  
一童子牽擔立爲持擔萃制諸器具悉懸殊  
甚故篇中及之阿以阿稽杜甫家童奴名也

中元節途次蒙陰追悼亡女

庾氏荀娘左家嬌。女慰情誰道非。男錦椒頰菊畧涉也。粗  
請每歲因翁作客。恒歸伴阿母香奩。天涯信燈花。噫子頻  
向紫姑占。江淹何限恨。半生婚嫁怨。極愁恹只今朝五  
岳敢。謝幽探惆悵中元令節。家山事梵。吠莊嚴蒙陰。呻兩

行紅淚寄不到江南

題徐武貽小像

之

武貽文貞後人椒峯發仲母舅舊許爲之題像今翁已沒始述補成

碧篠干竿紅蘭一架松濤韻雜笙竽科頭箕踞旁置小風  
爐回首文貞舊業淒涼絕綠野荒蕪半之好家傳宅相名  
已動京都 躊躇當日事記曾撫掌爲我披閱擬閒題數  
語貌爾清癯詎料山丘華屋重來處此諾還逋徐君墓未  
成挂劍聊報秣陵書

徵招

送宋性存歸吳門

一燈分做還鄉夢君今果然歸矣殘月曉風天暫挽君雙  
袂柳條今臘幾待折贈沉吟無計君到江南定逢梅放新

應相寄 來夜白溝河鷄聲店料爾早寒人起誰念鳳城  
邊有倚闌心事暮雲千萬里留我作天涯游子我亦有茅  
屋三間六朝斜照裡

爲王珣湖編修悼亡

柿葉翻時人病起淒然悼亡新賦畫篋儘伊搜奈蕙發先  
去元和才子恨拚細研鳳牋零譜不分西山風前還闕舊  
年眉嫵 故國水雲多會側帽其聽半船疎雨粉腕斫鮓  
香更翠尊凝筍如今秋夜笛只遞入客窗偏苦緹蛛絲丁  
字簾西記有人行處

爲尤悔庵悼亡

蕙叢去後微之怨當時韋娘年小別後鏡鸞分悵天涯人  
老小屏歸路悄怕重疊吳山清曉此夜遙憐水戛軒畔月

明多少 侍史慢薰衣金門啟愁聽穿花漏早剔燭鼓冰  
弦又犯些商調彩毫憑起草錯認書遠山眉稿不信是白  
玉爲堂頓玉臺人杳

迦陵詞全集卷十三終

迦陵詞全集卷十四

宜興陳維崧其年著

泰州鄧漢儀孝威

合肥李天馥湘北

商丘宋 學牧仲

錢塘毛 駉馳黃

水調歌頭

被酒與客語

老子半生事恍慨喜交游過江王謝子  
翁填巷哄華駟會  
記獸肥草淺正值風毛雨血大獵北岡頭  
日暮不歸去霜  
色冷吳鉤 今老大蹉落拓轉沉浮  
疇昔博徒酒侶一半  
墓荒丘閉置車中新婦羞縮嚴家餓  
隸說著亦堪愁我爲

弟

維岳緯雲

宗石子萬

男履端

姪賜薛

參閱

校



若起舞若定解此不

題余氏女子繡西施浣紗圖爲阮亭賦

婀娜針神女春畫繡西家聞道若耶溪上漾水漾明沙爲  
憶吳宮情事暮地養娘來至羞臉暈朝霞忙向屏山畔背  
過鬢邊鴉一春愁三月雨滿欄花西施未嫁當初情緒  
記些些靠着綉床又想拈着鴛針又放幽思渺無涯一幅  
鮫綃也錯認越溪紗

宋荔裳曹顧庵王西樵招集劉峻度葭園卽席限

韻

銅鑰朱扉外寶鴨書堂中重逢把酒飛蓋倍覺旅愁空人  
有庾徐濟陸坐有樓臺絲竹那減晉人風慎莫賦悵悵亟  
爲拉紅紅吾醉矣拓金戟倚長弓不改狂奴故態耳語

有羣公官是金閨貴客身是畫溪愁客客自不相同起覓  
鐵綽板高唱大江東

送宋荔裳觀察入都并寄蓼天司業同顧庵西樵

賦

酒冷天寒日人去客愁中數行鈿蹕在雁祖餞出城東衣  
上青天明月馬上黃河飛雪雁背染霜紅如此作裝急  
磊砢想桓公 千斤椎七寶轡百石弓從奴賓客所過棧馬  
嘴殘通定過淮陰祠下更到望諸墓上懷古颯悲風若見  
蘇司業言我鬢成翁

留別阿雲

其作如此別直是可憐靈鴛裊麝薰正煖別思已匆匆昨  
夜金尊檀板今夜曉風殘月踪跡大飄蓬莫以衫痕碧偷

東隱詩全集卷十四  
二  
東二生  
掛臉波紅 分手處秋雨底雁聲中  
迴軀攬持重抱宵箭  
恨將終安得當歸藥缺更使大刀環折  
萍梗共西東絮語  
未及已  
慨勢破晴空

舍南庭前牡丹將放詞以催之

峭冷侵金鴨  
乍煖熨銅龍  
東皇好景何限相別苦匆匆  
二  
十四番花信  
一百五朝寒食  
幾陣酒旗風  
豆吐蠶婆綠  
花  
綻鼠姑紅  
畫欄西綺窗  
北錦城中  
姚黃何事羞澁媚臉  
未全融  
速辦慈恩車騎  
并倩華清鈿笛  
邀取謫仙翁  
早放  
木芍藥  
慢舞玉瓏璵

咏美人鞦韆

昨夜滿裙罷  
今日意錢回  
粉墻正亞朱戶  
其外有銅街  
百丈同心綵索  
一寸雙文畫板  
風颭繡旗開  
低約腰間素小

摘鬢邊牌 翩然上掠綠草拂蒼苔粉裙欲起未起弄影  
惜身材忽趁臨風回鶻快作點波新燕糝落一庭梅向晚  
半輪玉隱隱照遺釵

夜飲季端木齋中歸忽爾飛雪填詞奉東并懷尊

甫孚公

昨夜醉君酒歸路雪飛花淋衣那更裂燭袖禿不禁遮粧  
偏瓊樓萬瓦凝透綃官千幕凍殺冷顰蹙紙破苦拉雜柱  
朽怕槎枒 吾笑我寒至此獨何耶愁時恨不倩汝爲我  
與箏琶忽憶哦松尊甫時孚公作今夜斷橋晴雪吟興定  
然佳客睡幾會着城上咽悲笳錢塘丞

雪夜再贈季希韓

海上玉龍舞糝作滿空花城中十萬朱戶瓊粉亂周遮愁

對一天飛雪不見昨宵明月桂影飭金蟾短髻颯秋葉偃  
指盡枯枿 當日事須細憶詎念耶記築毬塲擲笛却手  
復爲毬縱不神仙將相但遇江山風月流落亦爲佳豈意  
有今日側帽數哀筓

立秋前一日述懷東許豈凡

將相寧有種豎子半成名馳騁切莫抵樹聽我短歌行薄  
俗人奴笞罵末路婦人醇酒一笑萬緣輕夫子知我者試  
與說生平 斫豪豬炙走兔犖長鯨群儒嚙齷可笑我自  
習縱橫明發西風削草且約博徒會獵小趁一秋晴鬚作  
鬚毛磔箭作俄鴟鳴

題友人詞并示方鄴大匡

脫帽卽擲筓餐洗便彈箏千金教得樂部坐此得狂名每

歎英雄作事萬象雪中鴻爪一過已忘情倏忽謝歌舞寂寞掩柴荆  
新詞句真磊落太縱橫我作致師樂伯摩壘更靡旌  
奕若并州快剪又若短兵狹巷殺賊不聞聲舉以示  
二子大笑絕冠纓

送憚南田之錢塘并柬毛稚黃

躡屩上靈隱吹笛下吳淞送君恰值新爽織月印船篷猶憶冷泉亭上  
百道跳珠噴雪飛瀑挂杉松一別十八載吾老漸成翁  
故人去携筆墨寫空濛不知老已將至揮灑躡偏工  
爲訊鹽橋毛子果否別來無恙底事斷詩筒人世作達耳  
長邑鬱焉窮

贈西陵周勿庵

勿庵精日者家言任俠滑稽多金九錄憤之游背徵僕

拍手唱銅斗闢地舞迴波世間窮達有命擾擾若之何收

罷百錢簾下雨後一街人少客有獵纓過僕病坐磨竭君  
醜類鷄窠如箕舌舐其腹口懸河眼中只愛綠幘誰解  
愛青娥頗怪丈人痴僕却恐舍人尻暑戲語莫相呵絕倒  
黃幃綽撫掌敬新磨

題遠公書洞山圖送天石北上

何以贈行卷而作洞山圖旁人拍手大笑書者復誰歎此  
去燕姬馬湏况足金莖仙瀝茗椀酷非須卿復携來否長  
柄有葫蘆掀髯語書此者定非迂敗盡朱門酒肉只此  
味清腴縱挾綾文三百目給龍團鳳餅曾似故園無十丈  
紅塵裡一幅冷秋菰

送原白北上

莫作戀豆馬直學脫鞞鷹送君秣魏刷趙萬里慙飛騰頗

怪今人離別出戶定然復入刺刺實堪憎似爾最堪與物  
態直憑陵 公子去臣宜從病未能行也勉旃努力勿復  
憚炎蒸爲我慈仁閣下寄訊支離老叟短髮定鬢髻待我  
上元候同看鳳城燈

留別澹心卽用來韻

離別亦常事惻悵眞毋然歸舟一路弄笛吹裂水中天猶  
記吳趨坊後再到惠山松畔兩地酒如泉不久聚花下小  
別向風前 白翎雀鷄叫子想夫憐岐王空宅舊日法曲  
散如烟君有龍文百軸近作小詞一卷千載定流傳早覓  
賀懷智亟付李延年

橄欖

造物有本性此味最高嚴清芬却帶酸澁品格壓黃柑多



少橋官輒美無數荔奴甘滑側日看新參諫議爾之職剗  
毳我何堪析煩熱開結膏滌塵凡頗聞人語輸與崖窻

十分甜長揖水晶人退不詣內黃侯謝徑自返漳南獨醒

頗相憶播落在江潭

取名水晶人蟹名內黃侯

萊陽姜如農先生前朝以建言予杖遣戍宣州會

遭甲申之變不克往戍所僦居吳門者幾三十年  
癸丑夏先生疾革遺命家人曰必葬我敬亭  
之麓其子勉仲學在從之聞者悲其志重其節  
私諡之曰貞毅先生維崧填詞以代迎神送神  
之曲焉

東海黃門老疾革話悲酸呼兒吾骨累汝霜翦一燈寒休  
返用橫島上何用要離冢劍莫恤道途艱憶奉重華命遣

往敬亭山 三十載憐弱水幾回乾鐵衣生既未着鬼亦  
成其間此地層崖杳嶂正接蔣陵鐘阜紫翠湧千盤若有  
人兮在竦劍守重關

早秋託興

秋色一天雪林壑映新暘皎如三尺新水出匣漾干將亟  
故杉窗竹院要使金風玉露灑濯我軒廊颯爽上眉宇皎  
潔到衣裳 小樓上望極浦太微茫估船夜笛江上併作  
十分涼安得中原豁處飽看出橈蒼狗大獵一千塲浙罷  
刀頭米射殺鹿邊麀

平遠堂雨中卽事林天友使君席上同曹顧庵丁

葑園胡存人吳香爲園次六益余澹心尤悔庵

宋旣庭錢宮聲顧云美伊人天石趙且兮毛行

九分賦共用烟字

千古鶯花窟四月雨晴天闌干一望平遠濃淡石湖烟催  
取茶鎗酒幔喚得箏師篋伎來做餞春筵且起舞回鶻休  
去聽啼鴉 鷓未半風乍起雨鏗然嵯峩古塔將壓挾屋  
勢斜穿萬斛鈴音鐸語四壁鯨呿鰲擲劈裂幾條絃脫帽  
叫奇絕此景倩誰傳

讀董舜民蒼梧詞題後

老屋數間耳世事不關渠堆墻牛腰困蝨巨束笏般羅中  
有奇文兀冪每夜必騰光怪鰲擲與鯨呿力壓古聲叟氣  
懾萬僚奴 珠零亂玉天嬌翠模糊我行以手捫摸作此  
定誰歎既似苔紋瓦篆又似碑殘鼓鬻字裡吼於菟乃是  
蘭陵董詞集曰蒼梧

書樓詩爲西陵吳子與賦

有客向余說，昨又到湖頭。湖中翠奩未，歛湖畔水明樓。萬  
本澄心堂紙，千頁大觀樓帖。百幅李營丘盤礴，此樓上纏  
縵紫綺裘。風弄勝波漾，穀浩浩悠悠湧。金門外新月聽足，  
采菱謳分付危欄飛檻。莫遣于祠岳墓烟景觸，簾鉤貯酒  
兼貯茗，不貯古今愁。

渡長蕩湖望三茅峯

我住太湖口，四面匝烟巒。周廻紫青繚，黛中托白銀盤。且  
縱龍宮一葦耕，破瓊田萬畝。笑傲水雲寬，蓬背唱銅斗沙  
尾辨金壇。雪浪吼大魚出，蠶如山茅家兄弟笑我前路。  
足風湍，君自驂鸞翳鶴，我自騎鯨跨鯉。各自不相關，揮手  
謝之去，吹笛弄潺湲。

睢陽寓館感舊題壁

惆悵復惆悵直視草茫茫風搖葵子蕒葉蝮蝮上空墻滿  
目西州門內轉眼黃公壚畔前事惹思量搖膝并負手遊  
柱更循廊天欲黑燈半綠月微黃中年哀樂何況人又  
在他鄉飄去嬌絲脆板畱下殘香剩茗狼籍小紗窗撥置  
不足道念此斷人腸

送侯叔岱之彭城

酒罷忽不樂結束挽強弓彭城此去蒼莽水蓼滿陂紅戲  
馬臺邊騁望下有河流似弩混混盡魚龍吾意欲起舞屈  
指幾英雄斜陽恨關山影一杯中袁曹劉項付與爛草  
沒孤鴻莫管千秋閑事休悞一生作達筭吹蕩西風盼盼  
去已久明月小樓空

夏五大雨浹月南畝半成澤國而梁溪人尙有書  
舫游湖者詞以寄慨

翠釜一朝裂銅狄盡流鉛江南五月天漏煉石補仍穿驟  
若滂龍噴沫狂比長鯨跋浪廬舍沒長川菱蔓繞床下釣  
艇繫門前 今何日民已困况無年家家秧馬閒坐墟井  
斷炊烟何處玉簫金管猶唱雨絲風片烟水泊游船此曲  
縱嬌好聽者似啼猿

憶商丘宋介子西湄草堂

雪苑女牆外水色綠於苔郭南潭子尤勝森森浸樓臺長  
記昇平舊事彌望風亭雨榭盪槩百壺來誰向亂前說說  
罷使人哀 西湄好憶客夏寄高齋南京爲余細糝菜几  
淨織埃君笑熱由卿至僕笑羨應還我戲語類優俳搖櫓

沒烟去背指野棠開

徐陵奉使至魏魏人宴之是日甚熱魏收嘲陵曰今日之熱當由徐常侍

來

齊沈文季與魏崔祖思在高帝前戲爭羹膾爲吳食

祖思口魚膾膾似非勾吳之詩文季曰千里尊羹豈關

羹固應還沈

### 新秋寄驥沙徐仲宣

秋色潔於雪澄湛到簾鉤憑軒憶爾更劇君亦念余不記  
客泉亭草寺間弄吟蓬釣筒相與狎沙鷗一笑別君去四  
節忽如流大江邊殘照裡仲宣樓烟波蝦菜料爾生計  
儘優游此地孤城絕島長被蛟涎兔汁鍊足一天秋橫竹  
吹阿濫叫醒古今愁

### 溪泛

誰送半城綠恰是兩溪風茫茫銀濤雪浪天水有無中每  
到簾紋平處不覺水香肥極一色玉玲瓏最惱閒鷗鷺偏

解占空濛。駕一羣、凌萬頃、浩無窮。今宵圓月定好寄語  
織綃宮。脫帽五湖風景。捲幔半生心事。杳靄縱吟筵。一笛  
中流發。乃是綠簑翁。

題毛會侯戴笠垂竿小像

水色綠如鴨。又似乍磨銅。鞞紋細浪。忽起颯颯夾溪風。數  
里江村。荻屋一帶蘆汀。蟹舍下。徧釣魚筒。雲作蔚藍纈。視  
以晚霞紅。燃楚竹。炊香糯。五湖東。新來溪友。堪訝乃是  
大毛公。贏得鼠師拍手。汝有金貂玉佩。詎是綠簑翁。笑起  
唱銅斗。餘響落蛟宮。

汾西侯仲輅示我九日紀夢詞二闕。依韵奉和

月落邊牆黑。幾扇鴈門開。蒼然西極。風雨都向二陵來。聞  
說胭脂小伎。能唱橫汾舊曲。家傍古輪臺。我欲與之語。紅



粉最憐才 飲醇酒近婦女莫疑猜世間餘子何限兩手  
底須推安得飛狐峪口借汝吹簫擊篴一日笑干迴綠酒  
不曉事有悶未能排

一笑老松下握手亦前緣昨宵黃花節候妬汝小游仙拖  
道巫雲入夢誰料玳筵真箇事已徧流傳我在銀笙底偷  
諧鷓鴣天 追代馬挾趙瑟是何年兵家女有殊色可許  
阮公眠詎少朱門絲管那抵青樓簾櫳如鏡復如烟天上  
兔華滿只照別家圓

毛會侯席上限咏鹿脯詩詞以代之同王惟夏方  
雪眠毛大可允大諸君賦

那曉魯公帖有手且飛觴觴行更催斝脯此樂甚堂堂笑  
寄鹿皮翁語乃有神仙上界欲以汝爲糧玉饌莫深恨底

事不潛藏 呼畢卓率阮籍態類唐百年所得有限不若  
醒而狂熱酪何須痛飲明日北風大作結束上平岡箭作  
餓鴟叫祖襖獵黃巖

元夕前董樛亭至都下樛亭昨歲射陂遇盜身被  
重創患不克來今則來也詞以志喜卽用樛亭  
見贈原韻

月黑淮南縣卸馱正關門門前聲息洶洶勢若雨傾盆斫  
臂霜刀攢蝟燎瓦孤燈掣電駭絕洞心覓詎復有活理違  
暇顧琴尊 重握手驚往事剪燈論追思胥江酒伴只我  
與君存三客弱來一箇謂菜粉公又幾爲異物軟語剪難分  
抹駭細相認老眼日來昏

酬別沈鳳于卽用來韻

君住馬溪上我住瀟湖中平生酒顛花憊此事那輪公自  
逐鷓鴣班鷺隊回憶練裙檀板甚日恰重逢也料秋江畔開  
到粉芙蓉 人世事枝前背絮西東青山見人分袂替作  
別時容縱使錦袍入直詎抵綠簑聽雨釣艇漾晴空他日  
訪君處烟水定留儂

庚申五日

又是女兒節何處蕙香醪艾裝碧虎閃爍與汝復相遭回  
憶家鄉此際不少癡兒騃女綵鴛綉旗搖威起一川雪崩  
落半空濤 渚宮遠澧水澗恐難招古來陳事何限細數  
總今朝楚國湘纍自苦齊國薛君自樂一笑等鴻毛我自  
飲我酒卿自讀卿騷

紀恨爲魏里張太君賦

越因燕鷺地春日綺羅年張星本連天上朱戶隱嫵娟誰  
料羅窗綉閣吹到零風冷霧飄散亦前緣舊日畫眉事追  
紀那能全 織錦曲緘情淚寄誰遊涼河獨火小店徹夜  
雨綿綿請看古來青史何限傷心紅粉唱煞隔江船且盡  
一杯酒莫撥四條絃

初夏吳門舟次董樗亭錢葆初飲顧梁汾適至

卽席分賦

往事細如雨新水滑於羅十年幾一會而不飲欲如何雪  
押松江銀鮓黃鑄洞庭盧橘酌以小紅螺僕素不勝酒醉  
態亦倜儻 相樂也復相泣起婆婆眼中之人老矣春後  
落花多休管誰家龍鳳不若狗兒吹笛伴取膽娘歌小別  
數日再相月復經過

酒間樗亭偶語董龍事葆初云君家  
有龍猶寒宗有鳳也一座大笑元從

之詩云初見  
吹笛勝娘歌

趙北口作

忽復出門去萬事總由天難忘只有烟水永不罷相憐此  
地燕南趙北盡日黃塵白草那抵舊溪山詎料故鄉景陡  
落荀輿前鄭州鎮大沽口水雲寬空明浩淼碧篠紅蓼  
滿汀滸也有魚羹蓮米安得笛床茶臼水閣兩三間臥聽  
吳娘櫓帶瑱唱歌還

鳳凰臺上憶吹簫

閏六月七日爲牛女作懊惱詞

翠鵲橋虛珠匏路杳懊儂情思無慘奈粉河一望靈匹難  
扣寄語天邊織室雙鴛杵纖指休拋停梭怨金徒箭永青  
女誰通迢迢常時此夜正微寒麝帳小鴛龍輅記衣香

鬢影鬢鬢今宵屈指經年離別依然又淚滴紅絳羞喜是  
涼秋不遊淮備魂消

和漱玉詞

蘸水垂楊漫天絲柳千條萬緒樓頭正圓水清淺斜靠簾  
鈎擬把玉容重整纔勻面悵悵還休懣懣甚今春三月忒  
似深秋堪羞韶華縱好奈舊情已換往事難留只梁間  
玉剪勸我登樓簾押朦朧未捲青山外不忍凝眸無過是  
瀟瀟春雨點點離愁

廣陵送孫介夫之石城

紅板橋頭方山柵口中流冷撥吳裝正螢飛水擘蟬咽銀  
牀經過郗僧施宅青溪曲曲似迴腸雲水外千年陳蹟一  
片新涼堂堂過江人物記疇昔獅兒亦號孫郎奈殘山

剝蠹樞浦斜陽持底寄愁天上君須問舊日平康還則怕  
萬蒲花老燕子樓荒

湯陰城外十里絲楊夾堤互引額以柳廊名極冷  
傳詞以紀之

淇水潺湲爵臺馭還中原潑火年光漸湯陰城下陳蹟荒  
涼一帶絲楊蘸馬睛漪鏡宛轉長廊繁人處輕陰輕暖簷  
就鵝黃 思量添些瑣韻便一襟秋思那讓吾鄉記離離  
水驛小小蟲娘白苧新裁春雪凭肩處柳外貪涼中年也  
情隨飛絮一樣微茫

秣陵懷古

紅板橋南錦衣倉北金陵從古皇州記離宮墻外年少潑  
遊忽聽九重仙樂東風細聲度龍樓依稀認寧王玉首賀

老筮篋 悠悠南朝風景看幾遍桃紅白了人頭  
弄劉郎  
易老羸女難留三十六宮何在斜陽外  
隱隱離愁傷心極  
後湖菱蔓一片漁舟

本意

貴主亭臺真如環珮月中鳳吹悠悠占人間  
天上兩處風流一自彩鸞齊跨雙携手  
玉宇瓊樓咸陽樹宮娥悵望仙馭難留  
回眸人民都換望渭水秦川頓惹閒愁  
歎重關二百廢苑成秋千載鮑魚孫子  
沙丘路大藥難求道然嘯青天碧海夜  
夜清謳

題宋楚鴻倚樓詞卷

百萬呼盧十千買醉世間何策驅愁惹銅仙  
多事鉛淚長流一片唐陵漢寢遺基在  
舞罷歌休何况是敗荷衰柳總



不宜秋 凝眸金荃一卷問朱玉象鄉陸瑁湖頭悵頻年  
踪跡只容皇州欲覓燕昭舊事高臺畔野水悠悠無聊甚  
閒吟閒寫滿幅銀鈎

夢揚州

遺庵先生久客維揚詞以寄懷

蜀岡頭記狂夫舊日曾遊薄倖樊川贏得一夢青樓紅橋  
上藕絲菱蔓當時費盡凝眸平陳業烟花記可憐逝水悠  
悠老矣先生何求也雨檝烟帆北謁諸侯鶴髮開元老  
淚銅仙爭流紅衣落盡西風起怕隋堤最不宜秋隱隱見  
一江燈火人隔揚州

塞孤

早春寄周伯衡先生并訊倪子闇公

先生從征薩  
幕近客吳淞

兩湘天滴黛何時歇曾記周郎英發坐擁油幢臨大別軍  
笳奏鄉心截舳舻湓浦如麻鎧甲庾樓成雪嚴巖破磧古  
樹都裂孤篷暫入吳老鬢終懷闕第二泉聲嗚咽瀑走  
銀虬三四疊衝動防身劍篋料此際共兒寬看水上楊花  
結定吟殘亂山白月

宣武城外書所見

北風如箭吼城門敗不斷香車梳水側卷綃簾拖燕尾巫  
鼓唱蠻簫賽鳥孫別紫臺人黃鶴寡青溪妹粉襟兒畔  
少紅淚誰唱勑勑歌訴盡消魂事繡鏃殘影攢樹腹  
崖根潛老魅招蜀魄呼湘鬼鶻已叫洛陽城鶴未返遼西  
市總春闈夢中夫婦

金浮圖

夜宿翁村時方刈稻苦雨不絕詞紀田家語

爲君訴今年東作滿目西疇盡成北渚雨翻盆勢欲浮村  
去香稻波飄都做沉湘角黍咽淚頻呼兒女覓頭剩粒爲  
客殷勤煮 話難住茅簷點滴短檠青熒牀上無乾處雨  
聲乍續啼聲斷又被啼聲剪了半村兩揺手亟謝田翁一  
曲淋鈴不抵卿言苦